

## ხ ე ლ შ ე კ რ უ ლ ე ბ ა (საპოლიციო) №26/01

შესყიდვა ხორციელდება „სახელმწიფო შესყიდვების შესახებ“ კანონის მე-10<sup>1</sup> მუხლის მე-3 პუნქტის „ა“ ქვეპუნქტის საფუძველზე სახელმწიფო შესყიდვების სააგენტოს 2018 წლის „26 „ დეკემბრის NN<sup>o</sup> 3281 განკარგულების შესაბამისად (SMP180002969)

ქ. თბილისი

“30“ სექტემბერი, 2019 წ.

სსიპ ვ. ჭაბუკიანის სახელობის თბილისის საბალეტო ხელოვნების სახელმწიფო სასწავლებელი (შემდგომში „დამკვეთად“ წოდებული), დირექტორის **ზვიად ბაქრაძის** სახით, ერთი მხრივ და საქართველოს შინაგან საქმეთა სამინისტროს საჯარო სამართლის იურიდიული პირი – დაცვის პოლიციის დეპარტამენტი (შემდგომში „დაცვად“ წოდებული), დაცვის ორგანიზაციის სამმართველოს უფროსის **მამუკა ლიპარტიელიანის** სახით, მეორე მხრივ, ვდებთ წინამდებარე ხელშეკრულებას შემდეგზე:

### მუხლი 1. ხელშეკრულების საგანი

- 1.1. „დაცვა“, გამოკვლევის აქტის საფუძველზე, უზრუნველყოფს „დამკვეთის“ ობიექტის დაცვას (შემდგომში „ობიექტად“ წოდებული), რომელიც მდებარეობს მისამართზე: ქ. თბილისი, თბილისი, ჩხეიძის ქ. N8 (CPV კოდი 79713000);
- 1.2. „დამკვეთი“ იღებს ვალდებულებას „დაცვას“ გადაუხადოს დაცვის მომსახურების ღირებულება წინამდებარე ხელშეკრულების მე-3 მუხლის მოთხოვნათა მიხედვით.
- 1.3. ობიექტის დაცვის ხანგრძლივობა განისაზღვრება 2019 წლის 01 ოქტომბრიდან 2019 წლის 31 ოქტომბრის ჩათვლით.

### მუხლი 2. დაცვის თანამშრომელთა საშტატო განრიგი და დაცვის რეჟიმი

2.1 ხელშეკრულების 1.1 პუნქტით გათვალისწინებული „ობიექტის“ დაცვას განახორციელებს საქართველოს შინაგან საქმეთა სამინისტროს საჯარო სამართლის იურიდიული პირი – დაცვის პოლიციის დეპარტამენტის ქ. თბილისის სამმართველოს III განყოფილება: პოლიციის 1 (ერთი) უფროსი ინსპექტორის, 3 (სამი) ინსპექტორისა და 36 (ოცდათექვსმეტი) უმცროსი ინსპექტორის საშტატო ერთეულით, გამოკვლევის აქტით გათვალისწინებული დაცვის რეჟიმით.

### მუხლი 3. მხარეთა შორის ანგარიშსწორება

- 3.1 „დაცვის“ მომსახურების ღირებულება ერთ თვეში შეადგენს **33,000,00 (ოცდაცამეტი ათასი) ლარს**, დღგ-ს ჩათვლით;
- 3.2 საერთო სახელშეკრულებო ღირებულება შეადგენს **33,000,00 (ოცდაცამეტი ათასი) ლარს**.
- 3.3 ანგარიშსწორება მხარეთა შორის განხორციელდეს საგადასახადო დოკუმენტაციის გამოწერიდან 5 საბანკო დღის განმავლობაში;
- 3.4 „დაცვის“ მომსახურების საგადასახადო დოკუმენტაციის გამოწერას უზრუნველყოფს სსიპ - დაცვის პოლიციის დეპარტამენტის ქ. თბილისის სამმართველო.

### მუხლი 4. მხარეთა უფლება - მოვალეობანი

- 4.1 „დაცვა“ ვალდებულია:
  - 4.1.1 არ გაამჟღავნოს „დამკვეთის“ სამსახურებრივი საიდუმლოება;
  - 4.1.2 „ობიექტის“ სპეციფიკიდან გამომდინარე განახორციელოს დაცვა ცეცხლსასროლი იარაღით ან იარაღის გარეშე;
  - 4.1.3 „პოლიციის შესახებ“ კანონის მოთხოვნათა შესაბამისად კეთილსინდისიერად შეასრულოს დაკისრებული მოვალეობები;
- 4.2 „დაცვა“ ზარალისათვის პასუხისმგებლობას კისრულობს ხელშეკრულებით დაკისრებული მოვალეობების არაჯეროვანი შესრულების შემთხვევაში;
- 4.3 ზარალის ოდენობის განსაზღვრა მოხდება, მხარეთა მონაწილეობით შედგენილი შედარების აქტით, რომელიც უნდა ეყრდნობოდეს „დამკვეთის“ საბუღალტრო დოკუმენტაციას;

4.4 „დამკვეთისათვის” ფაქტიური ზარალის ანაზღაურებას „დაცვა” მოახდენს ერთობლივი კომისიის დასკვნის ან სასამართლოს, კანონიერ ძალაში შესული გადაწყვეტილების საფუძველზე;

4.5 „დაცვა” პასუხისმგებლობას არ კისრულობს თუ:

4.5.1 „დამკვეთმა” არ შეასრულა ხელშეკრულებით გათვალისწინებული პირობები, პირველადი და შემდგომი გამოკვლევის აქტების მოთხოვნები;

4.5.2 თანამშრომელთა პირად საკუთრებაზე, რომელიც დატოვეს დასაცავ „ობიექტში”;

4.5.3 მატერიალურ ფასეულობების ქურდობისათვის, თუ ქურდობა ჩადენილია „დამკვეთის” მიერ „ობიექტის” დაცვისათვის ჩაუბარებლობის მიზეზით.

4.6 „დამკვეთი” ვალდებულია:

4.6.1 განახორციელოს პირველადი და შემდგომი გამოკვლევის აქტების მოთხოვნათა შესრულება და „დაცვასთან” ერთად იზრუნოს „ობიექტის” დაცვის სრულყოფისათვის;

4.6.2 „ობიექტის” მთლიანობის დარღვევის შემთხვევაში, არ შევიდეს მასში „დაცვის” თანამშრომლების გარეშე და არ დაიწყოს მატერიალურ ფასეულობათა აღწერა;

4.6.3 „დაცვას” 5 (ხუთი) დღით ადრე აცნობოს და მასთან შეთანხმებით გადაწყვიტოს „ობიექტზე” მოსალოდნელი ყველა ის ცვლილება, რომელიც შეეხება დაცვის უსაფრთხოებას: („ობიექტის” დაცვითი სიგნალიზაციით აღჭურვა, მუშაობის რეჟიმის ცვლილება, სამშენებლო სარემონტო სამუშაოების წარმოება და ა.შ.);

4.6.4 „დაცვის” თანამშრომლების მიერ ხელშეკრულებით ნაკისრი ვალდებულებების შეუსრულებლობის შესახებ წერილობით აცნობოს „დაცვას”;

4.6.5 ხელშეკრულების ცალმხრივად შეწყვეტის თაობაზე გადაწყვეტილების მიღებისას, აღნიშნული გადაწყვეტილების შესახებ ერთი თვით ადრე წერილობითი ფორმით აცნობოს „დაცვას”.

4.7 „დამკვეთს” ეკრძალება დამატებითი ხელშეკრულების გაფორმების გარეშე დაავალოს დაცვის თანამშრომლებს იმ ობიექტების დაცვა, რომლებიც არ არის განსაზღვრული მოკვლევის აქტით;

## **მუხლი 5. ხელშეკრულების პირობების შეუსრულებლობა**

5.1 ხელშეკრულების ცალმხრივად შეწყვეტის თაობაზე შეტყობინების ვადის დარღვევის შემთხვევაში, „დამკვეთი” ვალდებულია „დაცვას” გადაუხადოს პირგასამტეხლო დაცვის მომსახურების ერთი თვის ღირებულების ოდენობით, პირგასამტეხლოს თაობაზე მოთხოვნის წარდგენიდან არა უგვიანეს 14 საბანკო დღის განმავლობაში;

5.2 ხელშეკრულების 1.2 პუნქტით გათვალისწინებული ვალდებულების შეუსრულებლობის შემთხვევაში, „დაცვა” უფლებამოსილია მოსთხოვოს „დამკვეთს” პირგასამტეხლოს გადახდა, ყოველ ვადაგადაცილებულ დღეზე, შეუსრულებელი ვალდებულების 0,2%-ის ოდენობით.

## **მუხლი 6. ფორს-მაჟორი**

6.1 მხარეები თავისუფლდებიან ხელშეკრულებით ნაკისრი ვალდებულებების შესრულებისგან ფორს-მაჟორული შემთხვევის დროს, რომლის დროსაც შეუძლებელია დაკისრებული მოვალეობების შესრულება და რაც დადასტურებულია სათანადო ორგანოების მიერ.

## **მუხლი 7. ხელშეკრულების მოქმედების ვადა**

7.1 ხელშეკრულება ძალაში შედის „ობიექტის” დაცვაში აყვანის დღიდან (ობიექტის დაცვის ხანგრძლივობა განისაზღვრება 2019 წლის 01 ოქტომბრიდან 2019 წლის 31 ოქტომბრის ჩათვლით) და მოქმედებს 2019 წლის 01 დეკემბრის ჩათვლით.

## **მუხლი 8. სხვა პირობები**

8.1 წინამდებარე ხელშეკრულებაში ცვლილებებისა და დამატებების შეტანა შესაძლებელია მხოლოდ მხარეთა წერილობითი შეთანხმებით, რომელიც წინამდებარე ხელშეკრულების შემადგენელი და განუყოფელი ნაწილია;

8.2 „მხარეები” უფლებამოსილნი არიან ცალმხრივად შეწყვიტოს ხელშეკრულება, რის შესახებაც „მეორე მხარეს” ეცნობება არანაკლებ 5 (ხუთი) დღით ადრე;

8.3 ხელშეკრულების 5.2 პუნქტით გათვალისწინებული პირგასამტეხლოს ოდენობის შეუსრულებელი ვალდებულების 5%-ის მიღწევის შემთხვევაში, „დაცვა“ უფლებამოსილია ცალმხრივად შეწყვიტოს ხელშეკრულება დაუყოვნებლივ;

8.4 სადავო საკითხებს მხარეები გადაწყვეტენ ურთიერთშეთანხმებით, ხოლო შეუთანხმებლობის შემთხვევაში სასამართლოს მეშვეობით;

8.5 ხელშეკრულება შედგენილია ქართულ ენაზე, ელექტრონული ფორმატით, რომლის ამონაბეჭდი არის ელექტრონული დოკუმენტის ასლი და მას ელექტრონული დოკუმენტის თანაბარი იურიდიული ძალა აქვს. ელექტრონული დოკუმენტი ინახება ხელმოწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

#### მუხლი 9: მხარეთა რეკვიზიტები და ხელმოწერები

##### „დამკვეთი“

სსიპ ვ. ჭაბუკიანის სახელობის თბილისის საბალეტო ხელოვნების სახელმწიფო სასწავლებელი ს/კ 202 887 386

თბილისი, ვ. ვეკუას ქ. N1

დირექტორი

*ზვიად ბაქრაძე*

##### „დაცვა“

შსს სსიპ – დაცვის პოლიციის დეპარტამენტი, ს/კ 211350928

ქ. თბილისი, დ. აღმაშენებლის ხეივანი, მე-11 კმ

მიმღების ბანკი - სახელმწიფო ხაზინა

მიმღების დასახელება - ხაზინის ერთიანი ანგარიში

ბანკის კოდი - TRESGE22

მიმღების ანგარიში/სახაზინო კოდი - 707117293

დაცვის ორგანიზაციის  
სამმართველოს უფროსი

*მამუკა ლიპარტელიანი*

დოკუმენტი ხელმოწერილია მხრეთა მიერ ელექტრონული ფორმით